

未氏宗譜

卷一

光緒二十一年歲次乙未蒲月中浣重修

紫陽堂朱氏家乘



梓人曾錫銓

考亭始祖太師徽國文公手定

婺源茶院朱氏世譜序

熹聞之先君子太史吏部府君曰吾家先世

居歙州歙縣之黃墩

舊譜云長春鄉程次人

相傳望出吳郡

秋祭率用魚鱉

舊譜云有諱介者世數不可考矣又按奉使公聘遊集自云系出金陵蓋唐孝友先生之後考之唐書孝

友先生諱仁軌自爲丹陽朱氏而居毫之永城以孝友世被旌賞一門六闕相望初非吳郡之族而奉使公作送先更部詩又云迢七建鄴水高臺下鳳凰鼻祖有故廬

於今草樹荒不知何所指也

唐天祐中陶雅爲歙州刺史初克

婺源乃命吾祖領兵三千戍之而督其征賦

是爲制置茶院府君卒塋連同子孫因家焉

生三子仕南唐補常侍承旨之號今族譜亦不見其

多有散居他郡者

已上並見先吏部所錄蘆村府君作歙溪府君詩序

熹謹按今

連同別有朱氏舊不通譜近年乃有自言爲

茶院昆季之後者猶有南唐譜牒亦當時戌

鎮將校也蓋其是非不可考矣先吏部於茶

院爲八世孫宜和中始官建之政和而塋承

事府君於其邑遂爲建人于今六十餘年而

熹抱孫焉則居閩五世矣淳熙丙申熹還故

里將展連同之墓則與方夫人十五公馮夫

人之墓皆已失之因亟詢訪得連同兆域所
在乃率族人言於有司而復得之其文據今
藏於家副在族弟然收而三墓者則遂不可
復見癸卯五月辛卯因閱舊譜感世次之易
遠骨肉之易踈而墳墓之不易保也乃更爲
序次定爲婺源茶院朱氏世譜而併書其後
如此仍別錄一通以示族人十一世以下來
者未艾徽建二泚自今每歲當以新收名數
更相告語而附益之庶幾千里之外兩書如

一傳之永遠有以不忘宗族之義至於盧村
府君已上其墓益遠居故里者尤當以時相
率展省更力訪求三墓所在而表識之以塞
子孫之責而熹曾大父王橋府君無他子其
墓在故里者特有薄田於其下得以奉守不
廢當質諸有司以爲祭田使後世子孫雖貧
毋得鬻云茶院府君九世孫熹叙

重修考亭朱氏系譜序

夫系圖傳述仿諸史氏家國雖殊記載則一
近之爲譜者第準唐人氏誌與宋之族譜著
爲科律而不知支派分合當遵古法周制工
史書世宗祝書昭穆凡以本支所系述其世
次於簡編以合諸宗廟昭穆之列故雖別氏
分族姓氏屢易而於本源所自獨加詳焉考
亭朱系出發源自

文公倡道於閩而氏族繁衍迄今五百餘年矣

歲戊辰葦廬

簡命巡視閩疆維時欣慰久之以爲

文公暮年築考室亭手澤栢棧當必有存者嗣
是行部建陽敬禮考亭故址茶謁嘉禾墓堂
凡

文公世澤所遺如著述墨蹟及山川廬墓靡不
身及而瞻拜之且以見乎子姓之濟乚也嗚
呼幸矣爰有十六代孫明經殿玉者續修考
亭家乘問序於余余受而讀之知婺源茶院

爲

文公手定原本蓋亦深感夫世次之易遠骨肉
之易踈而墳墓之不易保也縷晰條分詳而
且備實準古法以爲之非若後世牽連附合
瀆祖亂宗者耳厥後一修再修因其義例而
附益之何嘗敢以私意參筆削哉余是以披
閱之而益嘆續修之役爲不容已也禮大傳
曰國君有合族之道又曰尊祖故敬宗敬宗
故收族大抵仁人孝子不忍沒其先而亂其

族則必詳於譜以紀之然而事非一人之事
心非一人之心苟非實有見於親親誼重不
辭勞不惜費則築室之謀未有克底於成者
況乎其爲道脈之統續理學之箕裘斯尤未
可以遽事丹鉛者也今殿玉懼其缺畧有忝
敦睦之誼毅然肩續修之任上以溯道脉之
源下以廣錫類之仁內以爲本支之愛外以
嚴非種之防凡其世系所紀宗支所圖行誼
官爵水木源本煥然簡端者一準諸

文公世譜之法後之讀是書者庶其知先賢之
裔繩繩綿乚所謂明德之後代有達人者正
未有艾則因之以爲理學之文獻而義例森
嚴益信攀附之說無所施於名賢之後矣若
夫會編輯於建安溯徽歆之淵源遵古人大
宗小宗之制勒爲全書以成巨製是又余之
所厚望於殿玉者

乾隆十七年歲次壬申仲春月

賜進士出身通議大夫福建分巡延建邵道布政

使司叅政加一級紀錄六次來謙鳴聲吉氏

書於劍津官署

朱氏族譜序

自皇帝錫姓以後而氏族繁自唐堯睦族以
來而宗譜肇厥始譜之作所以別親疎明遠
邇本支百世瞭如指掌也蓋古宗盟之義不
講於世久矣兄弟途人而雲初吳越者所在
名家巨族往往不免此之謂蔑祖有譜而一
如無譜至於馬牛其風轅轍其迹妄自牽連
附合或緣利誘或因勢招此之謂敗宗有譜
而甚於無譜噫譜之所以難言也建陽朱氏

祖茶院而宗考亭實爲文公次公的派傳至
於今嗚呼人待文公以爲之祖幸矣得文公
爲祖而并無播遷流徙閱世二十歷年五百
猶得相依考亭之地尤幸之幸者文公生尤
溪之寓舍堊建陽之唐石章章可考詩曰維
桑與梓必恭敬止禮曰生于斯長于斯聚國
族于斯雖在小賢猶知愛敬眷注而況文公
百代之師焉澤不止一家其精爽之式憑實
應戀此宜爲次公一派繩繩振振而椒衍蕃

昌也余來守建州得近大賢之居私心自喜
敷政及期漸悉朱氏宗盟其子孫之賢者彬
匕蔚匕陶淑文公遺訓余嘉焉蒞郡之日卽
索朱子全集讀之大慰平生今夏四月十六
世孫明經殿玉重修家譜將竣持譜來問序
於余余披閱之嘆其譜法至精至善世系秩
然不啻珠聯璧合而嚴非種之耒尤爲剴切
詳明觀乎譜者孝悌之心可以油然而生尙
何有蔑祖敗宗之咎也哉朱氏一譜不卓然

可爲閩內之典型哉猶憶余巡行屬邑時初
至建陽親詣考亭瞻拜覺其山川徘徊者久
之緬昔束受髮書徃徃神遊其地與東魯闕
里同一寤想高山仰止景行行止雖不能至
竊向往之信哉而今竟得宦遊其里親炙其
風也非厚幸夫朱氏之譜余固樂得而序之
奚讓爲

乾隆壬申夏五建州刺史曾期撰



曠
懷

續修考亭朱氏族譜序

稽古聖賢以道脈爲統系以理學爲箕裘祖陶

姚宗孔孟漢唐迄宋不乏名儒而綿延道脈

闡敷理學有以集羣儒之大成者厥惟文公

一人是文公者道脈所賴以留貽理學所賴

以續述實廼先聖之雲仍而垂後學之宗譜

也余自幼習章句卽神企其儀範泊乎歷宦

閩疆復幸得宰陽邑適親大賢之居敬謁考

亭書院瞻禮之下見勒像肅穆堂宇邃深濟